


# 記 豐 泰 淵 海

職官部  
仕宦部



十五至三十六

漢書門			
二	九	三	七
一	六	五	五
四	册	架	函
類			

庫	文	門	內
二	九	三	七
一	六	五	五
四	册	架	函
類			

內閣文庫			
番號	漢	2975	
冊數	41 ( 13 )		
函號	366	6	

十五



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



大英早校  
宗乘書

書

記蔡洲海卷之二十五

職部  
國書

淺草文庫

中央圖書

史校乘為大國上賓與英俊並游漢書虞翻會稽人太守王  
朗會接以交友之禮魏志陶侃鎮武昌軍殷浩庾翼等皆為  
佐史時武昌號為多士 謝安王坦之嘗詣桓溫論事溫  
令郝超帳中臥聽之風動帳開安咲曰郝生可謂入幕之  
賓矣 王儉用庾杲之為衛將軍長史蕭綯與儉書曰盛  
府元僚實難其選庾景行泛綠水芙蓉何其麗也時人以  
入儉府為蓮花池故綯書羨之 王子猷為桓溫車騎參  
軍溫謂曰鄉在府久此當相料理初不答以手扞柱頤云

已亥集

卷之二十五

西山朝來有爽氣晉郭子儀幕府六十餘人皆為將相顯

官李藩在徐州辟為從事居幕中謙謙未嘗論細微

劉三復長於章奏李德裕期待之鎮浙西及畿甸皆參佐

宿筵崔衍為宣歙池觀祭使其所擇從事皆得名流

劉蕡對策極言中官權盛令狐楚牛僧孺辟為從事待如

師友權德輿未冠以文章稱韓四李兼杜右裴胃交辟之

唐書

**得記**李逢吉始從事振武日金城守僧忽見一人介冑持

斧由門而入俄聞報李判官來僧以告自是逢吉每造

其室即見其人先至率以為常故逢吉出入將相二十餘

年廣

**剡**卓著詠或昂垂文武重方旌以光樽俎名奉幕中之

畫以稱席上之珍乾祐鳥重胤鎮河陽之三月以石生為

才以禮為羅羅而致之幕下未數月也以温生為才於早

以石生為媒以禮為羅又羅而致之幕下東都雖信多才

士朝取一人馬拔其尤暮取一人馬拔其尤温序忽騎將

軍馬自號報恩子風雲入壯懷泉石別幽耳送石慶士從

軍古云樂談笑青油幕郾城上赤鳥呈瑞氣眉間黃色

見歸期幕中無事惟須飲即是連鑣向闕時韓歸踏芙蓉

府離堂玳瑁筵劉禹錫送安西幕府多才雄喧喧惟道三

數公繡衣貂裘明積雪飛書走檄如飄風李數論封內事

揮發府中趨謝道事人男子事異鄉加飯弟兄心還須

整頓常絃佩莫獨吟誇玳瑁簪杜牧送文苑臺中妙水壺

幕下清席應

本朝晏元獻延賓客一時名士多出其門為西京留守幕  
下王琪張亢最為上客紛

### 簽判

史唐令狐楚辟為太原從事自書記至節度判官才思清  
麗每太原奏至德宗能辨楚之所為武元衡節度劍南  
柳公綽裴度俱為判官鄭從讜為河東節度表王調劉  
崇龜趙崇李渥崔澤等為判官書記支使皆一時選唐書  
本朝有兩使防團軍事推判官皆以選人充太平興國中  
以質善大夫十五員充諸州節度判官以王化基常豐武  
元穎等為之且令  
治之權其佐蓋太宗以諸州戎幕缺官選朝士補之俾分  
理事試其才能此簽判所由始也蓋選人則為判官京

官則為簽判或謂簽書判官之名不正政和初改為司錄  
建炎復舊職簽盛府之元胡文恭行

### 推官判官

史聖曆中東都留守楊再思王方慶共引徐堅為判官方  
慶學禮常就堅釋疑晦堅屬文典厚再思每目為鳳閣舍  
人樣李瓊鎮桂管奏柳瑩為判官軍政不愜瑩極言不  
納拂衣而去狄仁傑孫蕙謨元和末解褐襄陽推官言  
行剛直使府知名韓退之為武寧張建封府推操行堅  
正鯁言無所忌裴度東都留守辟皇甫湜為判官度脩  
福先寺求碑文於白居易湜怒曰近捨湜而遠取居易請  
從此辭度謝之湜援筆立就度曰不羈之才也崔造與

韓會盧東美張正則三人友善皆自謂王佐才故號四夔  
浙西觀察李栖楚辟為判官唐書後唐長興詔推判官各限  
年任惟績效拔異文學超邁擢任不限年五代

**傳記**唐天寶後有判官之名後唐長興二年始有兩使判  
官防團推官軍事判官等是時判官多本州自辟舉清泰  
中始擇朝士用之職張建封奏李藩為判官有新羅僧能  
相人李判官至僧降階迎曰判官是紗籠中人宰相冥司  
必以紗籠護之恐為異物所擾也互見宰

**集**今之後又先辟為征鎮次升於朝廷故幕府之選下臺  
閣一等異日入為大夫公卿者十八九焉 千里之行始  
於足下苟自強不息亦何遠而不屆哉溫堯學業才畫堪  
宣幄中李石等制佐相幕府孫簡藩隅之重委以侯伯軍府之

要掌在賓僚佐庶問澄清之務撫華夷錯雜之人俾其義

安實在參贊路費制以佐賓幕杜牧行運籌盛府言必端

詳 出保傳之重鎮之以屏王室擇賓從之賢佐之以齊

政經 俾陟賓階奉我元徐騎搏前失詩流塞上得國

寶送長孫生知七曜曆手畫三軍勢冰雪淨聰明雷霆走

精銳蕭屬輟諫官朝廷無比例送樊侍御吾聞駕鼓車不

合用騏驎送亞珊瑚市則無騏驎人得有早年具標格秀

氣衝牛斗贈李入幕未屈才秉鈞孰為偶 性呵使節上

清霄將取離魂隨白騎三台星裡拜文星送斯撫臺

上客意何如寄判官處士聞名早遊秦獻疏回腹中書萬

卷身外酒千杯江雨春波闊園林客夢催今君拜旌戟凜

凜近霜臺杜

本朝兩使置判官推官各一人餘州置推判官各一人政  
和初自判官至諸曹改為士戶儀兵刑工曹掾建炎後信  
職結綬賓筵夏英公除豫籌幕府胡文恭行擢參賓謀朱遠制等

### 書記支使

**史**魏陳琳阮瑀並為管書記室大祖先苦頭風臥讀琳所  
作檄頭風頓愈又太祖適近出瑀於馬上具草書成太祖  
覽畢歎有那定竟不能增損魏深建王以江革為征北記  
室參軍弟觀兼書記沈約任昉與革書曰維州妙選英才  
文房之職總鄉兄弟可謂駕二龍於長途騁驥驥於千里  
陳武帝引趙知禮為書記為文甚速每上受軍書下筆

便就南高陟奏出元甫充支使元甫有器局精於簡牘所

蒞有聲裴度孟舒元興掌書記文檄豪健一時推許

文宗謂侍臣曰近日諸侯奏語太浮華有過典實宜罰掌  
書以戒其流李石曰古人因事為文今人以文害事牛

僧孺鎮揚州辟杜牧為節度府書記數年召拜侍御史僧

孺餞之曰以侍御史風槩遠馭固當自極夷塗李商隱

能為古文不喜對偶始為今體章奏博學強記下筆不能

自制書

**傳記**書記支使自魏以來有其名陳有文房書記之任唐

景龍中元帥府置掌書記一人節度使亦置焉掌朝覲聘

問慰薦祭祀祈祝之文與號令陞黜之事後唐長興中有

書記支使職蕭穎士止陳留迎旅有一老人目之曰君一

似鄱陽王蕭驚問老人曰其姓左昔為鄱陽書佐同安志  
 書記之任亦難矣元戎總齊三軍之事統理所部之職  
 以鎮定邦國贊天子施教化凡文辭之事皆出書記非閑  
 辨通敏魚人之才莫宜居之 志同而氣合魚川泳而鳥  
 雲飛樂是賓主之相得也 儀之智足以造謀才足以立  
 事忠足以勤上惠足以存下而又侈之以詩書六藝之學  
 先聖賢之德言以成其文以輔其質宜乎從事於是府而  
 流穀實於天朝也韓文夫幕使之道有事必言知無不為杜牧  
 行高續漢百官制三公大將軍皆有記室主上表章報書  
 記雖列於上宰之庭然本為從事之職 楊雄稱軍旅之  
 際飛書馳檄用枚舉 非天機殊健學源濬發含思而九  
 流委翰揮毫而萬象駿奔如庖丁提刀為之滿志師文鼓

悉效不可窮則不能稱是職也 其簡才之用亦金馬石

渠之臣 僕射高貞公節度令狐公以人文掌宸翰國子

司業鄭公給事河南尹杜公以才華登貴仕繼斯躅者不

亦盛歟李文集軍旅之事不可無佐奏記之任不可非才

侯藩載筆徐騎省集書記赴三捷公車留二年謝

本朝乾德二年詔立兩任有文學者許兩使留後奏充掌

書記太平興國六年詔諸節度州依舊置觀察支使一員

凡書記支使不得並置有出身曰書記無出身曰支使會

以幹力參幕書公是行趙參畫之廷胡文恭行

錄事參軍

史杜景佺性嚴正為益州錄事參議折房司馬之不視事吏

歌之曰錄事意與天通州司馬折威風由是寢知名裴  
澥為陝府錄參李勉除御史召澥曰素聞公名朝中親友  
話公美事請置在賓席 顏杲卿為魏府錄參振舉綱目  
政稱第一唐書

**傳記**後漢有郡主簿官在漢魏間及江左為督陸主簿掌  
總錄衆曹文簿舉彈善惡後魏洎隋皆有錄事參軍煬帝  
置郡有東西曹掾及主簿唐武德復為錄事參軍開元改  
司錄參軍掌正遺失蒞符印後唐應順州置錄事參軍  
職道州錄參王沼與楊炎有微恩及炎入相舉沼拜監察  
御史始城公議南書喬琳歷果綿遂懷四州刺史嘗謂錄  
事參軍任紹業曰子綱紀一此能劾刺史乎紹業出條所  
美示之驚曰能知吾失御史才也分孫邵為孔融功曹融

曰廊廟才也後為吳相錄錄事參軍務舉善彈非書督郵  
郡之極位漢官大和七年中書門下奏錄事參軍糾察屬  
縣課責下僚一郡紀綱藉其提舉續通掌總錄衆曹管其  
文案自上佐法意違失者彈正以法掌凡諸司察之事平

司徒君為京兆司錄諸曹白事不敢平面視揖起趨去無敢  
問語縣令丞尉如嚴京兆事以幹治 公為京兆府司錄  
與一府政 故相崔圓尤狎愛州民丁某至親省其家後  
大衙會日司錄君趨以前曰請舉公過公與小民狎至其  
家害於政圓驚謝乃自罰韓文君轉隴州錄參時劉仁軌以  
宰相之貴持節此州坐帷中主諾責下君提綱未幾群轄  
載子劉公坐嘯以為能也陳符君集往參都錄雅有能名



宜列府縣之職俾展官常之效 紀綱大府 利可析

滯明可照奸常為樞為相何莫由斯權向事圭符實司綱

紀徐黜操持紀綱地喜見朱絲直杜

**本朝**諸府為司錄諸州為錄事不盡置也乾興元年諸州

始各置錄事參軍慶曆二年河北河東陝西諸州權令京

官知錄事參軍會政和三年尚書省言參軍之稱起於行

軍之際恐不當嚴奉聖旨參軍改為掾職建炎後舊掌州

縣庶務糾諸曹稽遠中興元符中陳察乞監司歲舉明謹

端慤善治獄充錄事 政和尚書省言錄參充近上曹官

續會任紀綱於州事胡文恭行擢從州簿唐節馴致州綱

張日表率諸曹樊克督郵綱揚之峻閻仲

### 司理參軍

**本朝**五代以來諸州皆有馬步獄以牙校充馬步都虞侯

掌刑法謂之馬步院太祖慮其任私高下其手開寶六年

始制諸州司寇參軍後改為司理掌獄訟勘鞫之事職國

朝別置以專鞫獄事劇者置二人太平興國九年詔曰司

理參軍專於推鞫研覈情實尤在得人宜令本州於見任

簿尉判司內選明敏有官業者充紛雍熙詔不得與帑藏

之事自端拱淳化以來皆上躬自選擇仍詔掠囚皆依律

令 祥符五年薛顏請自今司理誤入人徒已上罪者令

批曆依例守選庶有所懲職鮮于侁為江陵右司理慶曆

早求言侁條當世之失有四其語切直唐介稱其名於上

官交章乞為旆盛言左參軍李景陽之美乞移與之介  
以為賢四朝史

### 司戶參軍

史張玄素仕隋為景城縣戶曹實建德陷景城將殺之邑人千餘請代曰此清吏殺之是無天也李素之高祖令授七品清要官所司擬雍州司戶上曰此官要而不清裴琰之為同州司戶年少刺史李崇義輕之州中積年舊案數百道崇義促琰之判琰之命書吏數人連緝筆湏臾剖判盡畢由是大知名謂之霹靂手李元紘遷雍州司戶時太平公主與僧爭碾噉元紘判還僧寺長史竇懷貞足令改判元紘大署判後曰南山可移此判終無搖動唐書

**傳記**曹群也戶曹民所群聚釋名漢魏以下有戶曹掾主民

戶北齊以下與功曹同隋有戶曹參軍文帝時為司戶參

軍煬帝為司戶書佐唐開元復為戶曹參軍掌戶口籍帳

婚姻田宅雜徭道路之事梁開平省六曹掾屬戶曹一

員通判六曹通典及分紀王宗銖責授雍州司戶參軍問吏曰

參軍何官衣何衣吏曰下十判司綠衣槐笏而已宗銖大

咲曰若頭更斬去古何能作措大官耶九國志

**集**祠曹賦籍之要司以三語自試白集

**本**朝掌戶籍賦稅倉庫受納職乾道六年汪大猷乞令司

戶專主倉庫中興會要

### 司法參軍

已集詳拜 卷之十五

**史**張湯以倪寬為奏讞掾以古義決獄漢書郭洪為潁川郡

決曹掾治獄四十年用法平正郡內比之東海于公後漢書

常仁壽大業末為蜀郡司法書佐斷獄平恕得罪者曰常

君所斷罪死而無悔隋書狄仁傑為并州法曹親在河陽仁

傑登太行山及見白雲孤飛謂左右曰吾親舍其下 蘭

仁基曰狄公之賢比斗以南一人而已 鄭從質母老當

使絕域仁傑謂曰太夫人有危病而公遠使豈可貽親萬

里之憂乃請代行 徐有功累轉蒲州司法不行杖罰吏

人感其息信遁相約曰若犯司法徐參軍杖者必斥罰之

終於代滿不戮一人 顏杲鄉為遂州司法性剛正蒞事

明濟嘗為刺史詰讓正色別白不為屈唐書

**傳記**兩漢有決曹賊曹掾主刑法歷代皆有唐掌律令定

罪盜賊之事職源

**集**公為京兆法曹日伏階下與大尹爭是非大尹屢誚已

見 惟是鄙鈍不通曉於時事學成而道益窮年老而身

益困 棲身法曹掾何處事卑陬 州家申明使家抑坎

軻祗得移刑變判司卑官不堪說未免捶楚塵埃間 法

曹貧賤眾所易腰腹室大何能為韓文勳官決平之司無舞

文之過杜牧行楊元文制

**本朝**掌議法斷刑紹興三年罷後復舊中興會要賈易調常州

司法自以書生不閑法令每議獄必求合於人情曰人情

所在法亦在焉郡中稱平四朝史參法律之曹胡文恭行律

司三尺之律陳元良制

州都監

本朝掌本城屯任兵甲訓練差使之事兼在城巡檢資淺者為監押續會要四朝志長樂郡夫人高氏為其弟求亳州兵馬監押真宗曰護戎之任實司軍旅趙用為界河巡檢都監虜人畏之以其常乘虎頭船故謂之趙虎頭分外領屯公是行陳護州藩之兵全明文恭衍

巡檢

本朝巡檢司有沿邊溪洞都巡檢或藩漢都巡檢或數州數縣管界或一州一縣巡檢掌訓練甲兵巡邏州邑擒捕盜賊事又有刀魚船戰棹巡檢江湖淮海置捉賊巡檢及

巡馬遞鋪巡河巡捉私兵鹽等各視其名分以脩舉職業皆掌巡邏議察之事四朝刊郭進為西山巡檢有誣告其陰

通劉繼元有異志者太祖怒命付其人於進進曰爾能為我取繼元一城一寨不止贖爾死罪請貴爾一官歲餘其人誘其一城來降進請賞以官太祖曰賞不可濫得也進曰使臣失信則不能用人矣遂賞以一官紀景德三年封事者言諸處巡檢務在武勇強明乞不以閩楚江浙川陝人為之上曰人之勇怯豈拘南北若此區別非任人之道職當道之衡俾邏四封之警胡文恭行居警邏之司高尊材著幹勤職司警邏能發擿於陰伏多剪除於寇攘林友

排岸司

本朝開封府置排岸東西南北四司掌諸路網船輸納及  
糧運至京師分定諸倉交卸領各處交卸役卒指揮以備  
卸網牽駕以京朝官充二人或一人所貴主轄得雜般舟  
舡催驅卸網稍贍政和六年浙西諸州各置排岸一員從  
兩浙運副應安道之請也 紹興三年知臨安梁汝嘉請  
專置行在排岸司又詔添文官一員七年詔行在建康府  
置文臣排岸司監官一員以行在排岸司為名二年為任  
係京官

職官部

知縣

經縣正各掌其縣之政以令周子皮欲使尹何為邑曰愿吾  
愛之使夫往而學焉丁產曰今吾子愛人則以政猶未能  
操刀而使割也其傷傷多子有美錦不使人學製馬譬如  
田獵射御貫則能獲若未嘗登車射御則敗績厭覆是  
懼何暇思獲求也子室之邑可使為之宰也 子游為  
武城宰子曰女得人焉爾乎曰有澹臺滅明者行不由徑  
非公事未嘗至於偃之室也 子路使子羔為費宰子曰  
賊夫人之子子路曰有民人焉有社稷焉何必讀書然後

為學 子之武城聞絃歌之聲夫子莞爾而笑曰割鷄焉  
用牛刀論

**史**子產治鄭民不能欺子賤治單父民不忍欺西門豹為  
鄴令民不敢欺史西門豹為鄴令河伯娶婦豹投巫嫗于  
河 西門豹鑿十二渠引河水灌民田至今皆得水利

趙簡子使尹鐸為晉陽將行請曰為繭絲乎為保障乎曰  
保障哉 吳芮秦時為番陽令甚得江湖間心號曰番君

史魏襄王以史起為鄴令引漳水灌鄴以富魏之河內民  
歌曰鄴有賢令兮為史公決漳水兮灌鄴旁終古鳥鹵兮

生稻梁 卜式牧羊上林中上喜之式曰治民亦猶是矣  
以時起居惡者輒去毋令敗群試其治民拜緱氏令 汲

頴遷滎陽令黥耻為令稱病歸田里 焦延壽補小黃令

愛養吏民化行縣中前漢書卓茂遷密令吏人親愛而不忍

欺教化盛行道不拾遺天下大蝗獨不入密縣界 明帝

謂群臣郎官上應列宿出宰百里苟非其人民受其殃見

類中 王喬為葉令每月朔望必會朝帝恠其來數而不見

車騎密令太史伺望之言其臨至有雙鳥從東南來於是

候鳥至舉羅張之但得一雙鳥焉 第五倫補新都令三

年之間鄰縣歸之戶口十倍 魯恭拜中牟令郡國螟傷

稼不入中牟河南尹袁安使肥親往察之恭隨行阡陌俱

坐桑下有雉止其旁旁有兒童親曰何不捕之兒言雉方

雛親矍然起曰所以來者察君之政迹耳今蟲不犯境一

異也化及禽獸二異也童子有仁心三異也後漢書劉備以

龐統為棗陽令魯肅曰士元之才百里不足以展驥足

言卷之十一  
一三  
蔣琬除廣都長諸葛亮請曰琬社稷之器非百里之才蜀  
潘岳為河陽令植桃李人號曰河陽一縣花 陶潛為彭  
澤令門種五柳郡遣督郵至縣吏白應束帶見之潛嘆曰  
吾豈能為五斗米折腰事鄉里小兒耶解印去縣乃賦歸  
去來辭 王衍為元城令終日清談縣政亦理晉丘仲季  
遷山陰令百姓謠曰二傅沈劉不如一丘前傳琰父子沈  
憲劉元明相繼宰山陰有政聲仲季長於撥煩史人號稱  
神明政為天下第一 顧愷之為山陰令晝日垂簾門階  
閑寂務簡而事理南房彥謙為長葛令百姓號為慈父立  
碑頌德 開元初常濟調郟城令有詔問所以安人者對  
凡二百人惟濟居第一 馮元叔歷清漳浚儀始平三令  
右善去惡人稱為神明 蔣欽緒子沆歷陸渾蓋屋咸陽

高陵四令美政流行郭子儀軍出其縣救麾下曰蔣賢令  
也供億得蔬飯足矣毋撓其清唐

**傳記**周官有縣正春秋時縣大而郡小縣邑之長曰宰曰  
尹曰公曰大夫其職一也戰國郡大而縣小漢縣令長皆  
秦官掌治其縣萬戶以上為令減萬戶為長侯國為相後  
漢令掌治民顯善勸義察姦罰惡理訟平賦恤民時務晉  
制大縣令有治績者報以大郡不經宰縣不得入於臺郎  
宋諸縣署令銅印墨綬進賢兩梁冠北齊制上中下九等  
唐制縣有六等之差掌導揚風化撫字黎氓敦四民之業  
崇五土之利養鰥寡恤孤窮審察冤屈躬親獄訟通典五  
代任官齷齪無能者始注為縣令職子路治蒲三年孔子  
入其境曰善哉恭敬以信矣入其邑曰忠信以寬矣至其

庭曰明察以斷矣 子謂宓子賤曰十治單父衆說何施而得之也對曰不齊之治也父恤其子子恤諸孤而哀喪紀子曰小節也曰不齊所父事者三人所兄事者五人所友者十一人子曰中節也曰此地有賢於不齊者五人所齊事之而稟度焉孔子歎曰其大者乃此乎惜乎所治者小也 宓子賤為單父宰請君之近吏二人戒其邑吏令二吏書方書輒掣其肘書不善則從而怒之二吏歸報於君魯君以問孔子子曰意者以此為諫乎公歎曰寡人亂宓子之政而責其善者數矣邊發使告宓子曰自今以往有便於民者子決為之於是單父治焉 巫馬期入單父之夜漁者得魚輒舍之而問焉漁者曰魚之大者名為鱗者大夫愛之其小者名鯁吾大夫欲長之吾是以得二者

輒舍之巫馬返以告孔子曰誠於此者形於彼宓子行術於單父也諺宓子賤治單父彈琴不下堂而單父治巫馬期戴星而出戴星而入以身親之而單父亦治巫馬期問其故宓子曰我之謂任人子之謂任力者故勞任人

故逸 春秋

**集** 縣令民之師帥 董策詳見 太守鎮 明明君侯臨下有赫堯隆有

光惠我咫尺乃冰其清乃玉其白風抗其高雲垂其澤君有餘愛民有餘德 江革作 傳 澤頌 於穆君侯英才宣朗聲之所震下應如響明斷決疑易於反掌野有寇盜唯信屏之我有田疇惟侯闢之古人謹獄惟侯平之凡此三惠如何勿思 孫楚頌 荆王不足喻其德南金未能方其勳 尊王者之澤以被于下求庶人之瘼以聞于朝



重典以威奸恭舖太和以惠鰥嫠文柳未下車人懼之既下  
車人悅之惠如春風三月大化奸吏束手太宗側曰吾  
愛崔秋浦宛然陶令風門前五楊柳井上一梧桐山鳥下  
廳事夜蟾落酒中 見客但傾酒為官愛錢 河陽花  
作縣秋浦玉為人 范宰不買名弦歌對前楹為邦默自  
化日覺水壺清百里鷄犬靜千廬機杼鳴 開宰江陽邑  
剪棘樹蘭芳城門何肅穆五月飛秋霜時東陽本是佳山  
水何況曾經沈隱侯化得邦人解吟詠如今縣令亦風流  
新開潭洞疑仙境遠寫丹青到雍州落在尋常畫工手猶  
能三伏凜生秋劉禹錫答于興 連城為重寶茂宰得才新山雉  
迎舟楫江花報邑人 故人有孫宰古尚義薄言 看君  
且著王喬履真賜還疑出上方杜

**本朝**建隆元年應諸縣除去畿外四千戶為過三千戶以  
上為繁二千戶以上為上壬戶以上為中不滿千戶為中  
下五百戶以下為下掌總治民政勸課農桑凡戶口賦役  
錢穀賑濟急給納之事皆堂之政和二年詔縣令以十二  
事勸課農桑一曰敦本業二曰興地利三曰戒游手四曰  
謹時候五曰戒苛簡六曰厚蓄積七曰備水旱八曰戒宰  
牛九曰置農器十曰廣栽植十一曰恤佃戶十二曰無妄  
誕會要續 乾道二年御筆今後非兩任縣令不除監察御  
史孝宗尹洙知河南伊闕縣與穆脩以古文章崑體之弊  
天下翕然宗之 王禹偁知長洲羅處約知吳縣相與日  
賦五題太宗聞其名召試館職 燕肅知臨卽縣民苦夏  
擾公削木為牘民訟有連逮者書其姓名使召之如期而

至通葉庭直知光化縣豐稷知穀城縣人歌之曰葉光化  
豐穀城清如水平如衡四朝佩懸銅墨文恭行施字人  
之縣譜姚傳寄懸銅之任制系和懸銅之綬王昭宜從徒  
令之遷趙况

### 京畿令

史董宣為洛陽令搏擊豪強莫不震慄京師號臥虎民歌  
曰桴鼓不鳴董少平後漢顧憲之為建康令性清介強力  
為政清且美也樂法才為建康令不受俸秩深武帝嘉  
其清節曰居職若斯可為百城表矣南唐貞元間上召京  
兆府諸縣令對於延英訪以人之疾苦各賜衣一襲帝  
初為永昌令釐數繁要不事威刑而治李頻為武功令

畿民多橫頻治之無所貸豪猾大驚懿宗嘉之賜緋衣銀  
魚高宗擢權懷恩為萬年令賞罰明時人曰寧食三斗  
塵無逢權懷恩屈突蓋為長安令以威嚴顯時為語云  
寧食三斗艾不見屈突蓋寧食三斗葱不見屈突通穆  
宗時京邑多盜賊王正雅為萬年令威震豪強尹公綽言  
其能就賜緋魚張杜壽為長安令時人以為神明唐書  
傳北明帝臨觀見洛陽令車騎意河南尹及至而非尤其  
太盛敕去軒綬漢官李果為洛陽令吏民畏之有劉蕪者  
過其境夜聞戶外語數曰古今正人李令是也見其行事  
令人破膽我輩可於他縣血食蕪開門視之無物乃鬼神  
也孔六

集貞元初以甸服長人天下理本於是親擇郎吏分宰於

京師文林歷掌京劇和化神臯之俗集漢以四科取士求

多畧不惑強明决断者任三輔令漢朝郎官出宰百里

故今京邑令缺多令尚書郎補能佩弦以自導常星以

自勤黜輦較之下豪黠僥輕擾之則獄市不容緩之則囊

橐相聚故前代京令得與御史丞分進道路以其捕逐之

急也魏赤縣官曹擁材傑謝

史本國紹聖間詔開封祥符知縣今後差通判以資序充

# 縣丞

縣丞長吏也縣百戶以上皆有丞尉是為長吏黃

霸守穎川許丞年老病聾督郵白欲逐之霸曰許丞廉吏

雖老尚能拜起漢桓譚數言事忤肯出為安陵丞忽忽不

樂張玄遷陳倉縣丞清淨無欲專心經書唐臨為

萬金丞有輕囚數十人會春暮時雨臨白令請出之悉令

歸家耕種與之約令歸繫囚至期畢集諸獄臨由是知名

陸景倩為扶溝丞按察使覆州縣殺最有吏言狀曰某

清其詐清惟景倩真清宋安恭為龍門丞年已五十八

數年而登列岳每謂僚屬曰公輩但守清白何憂不遷唐

傳漢氏縣丞尉多以本部人為之諸縣皆有主刑獄囚

徒後漢署文書典知倉獄署諸曹掾吏自晉後無丞宋惟

建康有獄丞隋氏盡用他郡人唐高宗始為品官吏部

選授為縣令之貳職縣有七司丞馬副貳如州上佐隋

及大唐縣丞各一人通判縣事通州有上佐縣有丞簿俗

已纂州每 卷之三十五 十八

謂閑官不領公事殊乖制作之本意續通裴子雨為下邳令張晴為縣丞二人俱有聲氣而善言語曾論事移時人吏切相謂曰縣官甚不和長官稱兩贊府道晴終日如此不和也南書

**集**丞之職所以貳令於一邑事無所不當問藍山丞丞位高而偏例以嫌不可否事文書行吏抱成案詰丞卷其前鉗以左手右手摘緋尾鷹鶩行以進平立視丞曰當署丞涉筆占位署唯謹 博陵崔斯立種學積文以蓄其有泓含演迤日大以肆再轉而為丞茲邑既噤不得施用喟然曰丞哉丞哉余不負丞而丞負余庭有老槐四行南墻鉅竹千挺儼立若相持水澗如瀾循除鳴斯立痛掃溉對植二松日哦其間有問者輒對曰余方有公事子姑去韓丞之

位八品以下述六職以輔其治也柳文武功謳吟者不歌

其宰頌議者必歸於丞 以管轄之才從趙典之任陳子昂集

九千里之丹鳳自下升高七十日之黃龍從微至著張鷟集

**本朝**天聖中開封府縣始各置丞一員在簿尉之上熙寧

四年編脩條例所言諸路州軍繁劇縣令戶二萬以上增

置縣丞一員會要元祐元年詔應因給納常平免役置丞並

行省罷崇寧二年蔡京言熙寧脩水土之政行市易之法

興山澤之利皆王政之大請縣並置丞一員以掌其事大

觀三年詔除舊額萬戶以上縣令委是事務繁冗并雖非

萬戶實有山林坑冶之利可以興脩去處依舊存留外餘

皆減罷續會要建炎元年詔縣丞係嘉祐以前員缺並萬戶

處存留一員餘盡罷中興會要

主簿

史仇覽字季智一名香考城令王渙署為主簿謂覽曰主簿聞陳元之過而不罪得無少鷹鷂之志耶覽曰以為鷹鷂不如鸞鳳渙謝遣曰枳棘非鸞鳳所棲百里非大賢之路乃以月俸資遣入太學其名大振後漢桓温辟習鑿齒為西曹主簿極為親密時語曰徒三十年看儒書不如一詣習主簿晉書李奮歷泥水主簿遇事鑿銳仁浩張說見其喜雨五色鵠賦咨嗟曰後來之英也李栖筠有王佐才士多慕向為寇氏簿太守李峴視若布衣交顧少連登封主簿邑有虎孽民患之少連移文岳神虎不為害唐書傳漢晉有之至隋始復置唐亦縣置二人他縣一人高

宗始以為品官吏部選授掌付事勾稽省署抄日糾正縣內非遺唐主簿上轄主諸簿目通鑑張彖為華陰簿而為守令所抑歎曰丈夫有凌雲盖世之志而拘於下位若立身矮屋之下使人擡頭不得乃棄官而歸開元天閑官不領公事詳見縣類

集職司符印主掌簿書鳳棲之位鴻漸之資唐制俾之糾邑旌其忠蓋之心委以髯須之職集白脫身簿尉間始與筆楚辭杜詩

本朝開寶三年詔諸縣千戶以上置令簿尉四百戶以上置令尉令知主簿事四百戶以下置簿尉主簿兼知縣事咸平四年王欽若言川陝縣五千戶以上請並置簿其餘仍舊以尉兼從之天禧以後諸州縣以漸增置熙寧

三年王廣淵請令主簿管稽簿書尉專管督盜依舊外縣  
 事並令通管實簿尉佐理縣務張昇為楚丘主簿王曾  
 識其有公輔器吳仁澤為雍丘主簿范純仁異之曰簿  
 領中乃有是人耶四朝善勾邑版之曹能盡地力之教  
 恭行呂勾稽之局蘇澄往勾簿邑之稽假林勾較簿籍均  
 英制公是馬膏政賦維震制

# 縣尉

**史**梅福補南昌尉後去官弃妻子去九江至今傳以為仙  
 書尉主盜賊九盜賊發主名不立則推索行尋按察奸宄  
 以起端緒後漢百官志隋仁壽中顏籀按安養尉楊素見籀筆  
 弱貌羸因謂曰安養劇縣何以克當對曰割雞焉用牛刀

素奇其對到官以幹理聞 負半千授武陟尉歲旱勸縣  
 令開倉賑貧不從會令赴州半千便發粟以給飢人刺史  
 按之存撫使薛元超曰公不能救之而使惠歸於一尉豈  
 不愧也遽令釋之 劉仁軌轉陳倉尉部人折衝都尉魯  
 寧縱狠仁軌約不再犯而寧暴橫自如仁軌殺之州以聞  
 太宗以為剛正擢咸陽丞 蘇珣調鄂尉時李義琰為雍  
 州長史鄂多訟日至長史府珣決明辨義琰顧廳事曰  
 此公坐也恨吾齒晚不及見 婁師德補江都尉揚州長  
 史盧承業奇其才謂曰吾子台輔之器當以子孫相託何  
 可以官屬常禮待也 陸贄補渭南尉德宗立遣黜陟使  
 庾何等十一人行天下贄說使者請以五術省風俗八計  
 聽吏治三科登俊又四賦經財貨六德保疲瘥五要簡官

事 白居易調整屋尉月餘召入翰林為學士 郭元振  
初為通泉尉任俠使氣武后欲詰與語奇之索所為文章  
上寶劍篇后覽嘉之唐書

**傳記** 漢大縣兩尉小縣一人歷代因之銅印黃綬朝服武

冠北齊郡縣置三尉隋改為正後置尉又分為戶曹法曹

唐初因隋制武德中復改為正七年復為尉分判諸司事

通典高宗時始為品官吏部遷授擬唐尉分理諸曹如州判

司通典按李白贈瑕丘王少府別西河劉少府贈秋浦柳少

府杜甫貽華陽柳少府當是唐時縣尉多稱少府也類

僧孺為伊闕尉縣前灘出不旬日拜察院詳見監察

仲進南海香拜洛陽尉號曰香尉述異

**集** 隱吏逢梅福杜仙憶謝公詩皎皎鸞鳳姿飄飄神仙氣

梅生亦何為來作南昌尉世人若醯鷄安可識梅生

仙尉趙家玉英風凌四豪推翁對酒樓持袂把鱗螯李

斷舉措通乎細大潔庶檢守形於造次柳文心不掛細

務口不言人非李白為李錫黃綬位輕而青雲望重陳子

齊少府本朝建隆三年每縣置尉一員續元豐五年詔並差使臣

元祐元年詔除沿邊縣尉依舊外餘並差選人崇寧元年

詔重法地縣尉舊差武臣處並依元豐法續會乾德元年

以大名府元城縣尉張義元為本縣令賞捕盜之功也天

可縣尉久廢其任是歲復置義元首該賞典以激勸之

寶元初有明州慈溪尉佃儻不群雖處賤官而有憂天下

之心爰上書言事 至和中山陽尉李宗噴百姓申蝗柳

令食之提刑奏劾上怒曰縣尉亦親民之官謂其能慰安於民而不與民除害反傷民命削其官 守在尉察善於追胥胡文恭行曩居尉督解懷德制

### 京畿尉

**史**曹操年二十舉孝廉為郎除洛陽北部尉 太祖初入尉廨造五色棒垂門左右有犯禁者皆棒殺之魏志常貫之自長安尉不數年拜相 陸操補長安尉以清幹稱 李程為監田尉有滯獄十年程單言輒判京兆狀最拜監察

御史書

**傳記**漢長安有四尉分為左右部城東南置廣部尉是為左部城西址置明部尉是為右部黃綬大冠主追捕盜賊

伺察姦非

六典注

魏因之晉洛陽建康皆置左部尉宋齊梁

陳並因之唐亦縣置六員通鑑嚴安之崔譚俱為赤尉安之

令五伯執大杖譚益大其杖如椽安之復令執小杖譚益

小其杖至如節安之令五伯空手行乃不能學見聞畿尉

入御史為佛道人評事為仙道入京尉為人道入畿丞為

苦海道入縣令為畜生道入判司為餓鬼道御史拾遺立

緊評事出緊赤尉坐緊俗號為三緊官西京記

**本朝**建隆初置尉一員至和二年開封祥符二縣增置一

員會要尉於北部著發奸擿伏之能胡文恭行

### 監當官

**集**以幹蠱之才領塩鹵之務管推條制動皆得宜白集

已纂州府

卷之三十五

二十三



推東池鹵生息倍稱元集唐 鹽鐵推東之籍杜牧行公幹  
池鹽於蒲脩牢盆謹衡石煎和既精飭散乃盈商通而荐  
至吏懼而循法幾不結網而國用益饒歲抄會其所入贏  
羨什百劉禹錫崔

**本朝** 監當官掌場務庫藏出納之事其征推場務歲有定  
期以登耗為殿最賞罰九課利所入日具數申於州四朝  
太平興國三年詔諸路轉運副使常體量部內監當官公  
勤廉幹頭有勞績者具名聞奏與親民差遣 慶曆四年  
詔舊制諸道推酤滿三萬貫舉官監臨歲滿而課贏者升  
用之會要 劉摯責監衡州鹽倉悉意核視弊減什七父老目  
為學士監四朝 臨推木之酤及連教之賞胡文恭行領筭  
商車典臨茗局孫詔 當庾氏之掌裴士 局課衍盈姚頊 商

利局者以饒衍名具取賈程 征筭之饒衍於局次等牛拱辰 臨  
筭推之局筭無遺力沛有衍緡毛維 往幹牢盆之入頗增  
近監之饒劉維 監司商筭假政 服勞廩委公是行

### 錢監

**史** 王莽時主鑄錢官曰鍾官後漢

**集** 筭官錢曰園府之職文選

**本朝** 開寶鑄錢監於文番陽既而江淮荆浙閩廣之地皆  
有監職 泣全治之別司胡文恭 行沿挾銅之令以收七福  
因採山之法用廣五銖 司南州寶冶之饒佐縣官園府  
之用宣勞於外興利在公葛源 官曹自是銅與錢東坡送

江淮鐵錢官

**傳記**唐西北邊州禁人無置鐵冶續通

**本朝**舊制主鐵冶者得補班行陳升之奏下議省之既定稿吳及與沈起輒增注興國軍磁湖鐵冶如舊制國史吳

巡轄馬遞舖

**史**唐劉晏初州縣取富人主郵遞謂之捉驛大曆十一年華原封侯莫等以主郵傳優改長安尉唐書

記纂淵海卷之三十五終

記纂淵海卷第三十六

仕宦部

赴召

**經**貫於丘園束帛易季春出幣帛聘名士說凡君召

以三節二節以走一節以趨在官不俟履在外不俟車王

翹翹車乘招我以弓旃以召大夫弓以召士傳君命召

不俟駕行矣論

**子**庶人以旃士以旗大夫以旌

湯之於伊尹桓公之於管仲

孟聘人以珪問

人以璧召人以瑗絕人以玦反絕以環荀

**史**蕭何薨曹參聞之告舍人趣裝治行吾且入相居無何

使相且召參 四皓隱商山惠帝為太子為書卑辭安車  
迎以為客乃至 賈誼為長沙太傅文帝思誼徵之入見  
上方受釐坐宣室上因問鬼神之本誼具道其所以然之  
故至夜半文帝前席曰吾久不見賈生自以為過之今不  
及也 武帝遣使者安車蒲輪東帛加璧召魯申公 汲  
黯召為淮陽太守黯泣曰願為中郎出入禁闥補過拾遺  
上曰君薄淮陽耶吾今召君矣 平帝徵天下通知逸經  
古記歷筭五經者所在為駕一封輅車遣詣京師漢書光武  
備安車玄纁遣使聘嚴光三返而後至後安帝時陳忠薦  
周燮馮良學行深純帝以玄纁羔幣聘之漢書晉義陽成王  
望字子初時魏高貴鄉公好才愛士望與裴秀王沉鍾會  
並見親待公性急秀等居內職急有召便至以望外官特

置追風車一乘每有宴集望奔馳而至魏書太宗召馬周未

至間遣使者四輩敦趨唐書

集鶴書赴隴北山東帛旅于丘園召命交于途蒼論辨鳳

凰初下紫泥詔謁帝稱觴登御筵下謬忝燕室詔叨陪郭

隗蹤 翫辭故國昂藏入君門李風雲入懷泉石別

幽耳 濯纓起江湖韓除書忽到門冠帶便拘束愧忝郎

署迹謬蒙君子錄俯仰垂華纓飄風翔輕轂物應

本朝還朝似夢中雙闕眩金碧復穿鸚鵡行強寄廢廢迹

還朝暫接鸚鵡翼便合劍佩趨明光 忽然眉上有黃

氣吾君漸欲收英髦 行聞宣室召歸近御爐煙煥召還

汲脩綆 南歸脫盡入對隨孔鸞 漢庭日日召嚴徐

記纂端海 卷之二十一 二

# 赴官

**經**齊侯使連稱管至父戍葵丘曰瓜時而往左傳

**史**客曹郎王洽羌胡事劇遷刺史其公遷縣令詔書賜錢

三萬與三臺祖餞治裝一月准謁公卿凌朝乃發後漢百官志注

張輔為東郡太守賜裝錢三十萬以之官 鍾離意上書

薦劉平等有詔徵平等特賜辦裝錢後漢

集牽絲及元興解龜在景平謝靈運詩云牽絲謂牽王如

年號景平宋少帝年號

# 交承

**經**舊令尹之政必以告新令尹論語

**史**曹參代蕭何為相舉事無所變更壹遵何之約束百姓

歌曰蕭何為法較若畫一曹參代之守而勿失 又揚雄

傳曰蕭規曹隨功若泰山 曹參去位屬其後相曰以齊

獄市為寄慎勿擾也後相曰治無大于此者乎參曰夫獄

市者所以并容也今君擾之姦人何所容乎 黃霸代韓

延壽居潁州因其迹而大治 韓延代蕭望之為左馮翊

而望之為御史大夫會御史當問事東郡望之因令並問

延壽在東郡時放散官錢千餘萬延壽竟坐弃市漢書傳

為漢陽太守初范津舉燮孝廉及為漢陽與交代合符而

去 任尚代班超為都護謂超曰小人猥承君後宜有以

誨之後漢謝方明善治郡承前代人不易其政必當改者則

以次漸移變使無迹可尋晉揚於陵不敢易袁公之政見

類大守

本朝歐陽公知開封府所代包孝肅公以威嚴御下公簡  
易循理不求赫赫之譽有以包公之政勵公者公曰凡人  
才性不一吾亦任吾所長耳神道王文正公曾李文定公  
迪皆狀元及罷相領青又為交承故文正送文定詩有錦  
標得雋曾相繼金鼎調元亦踐更之句 詹堅老下大理  
李端初為少卿諾曰子嘴尖如此誠姦人也後十年堅老  
代端初為淮南漕端初頗省其面目因曰郎中若有素者  
豈嘗邂逅朝路中耶風采堂堂非曩日比也堅老答言風  
采堂堂固非某所見但不知比往時嘴尖否端初愧怍而  
悟揮塵同僚之契交承之分有兄弟之義至其子孫亦世  
講之前輩專以此為務今人知之者益少矣童蒙

# 薦舉

**經**拔茅連茹以其彙征吉 易趙文子所舉於晉國管庫之  
士七十餘家記檀儒有內稱不避親外舉不避怨推賢而  
進達之不望其報行儒君子謂祁奚能舉善矣稱其讐言不為  
諂立其子不為比舉其偏不為黨左子玉之敗子之舉也  
舉以敗國將何賀焉 夫舉無他唯善所在親疏一也  
仲弓問政子曰舉賢才曰焉知賢才而舉之曰舉爾所知  
爾所不知人其舍諸論  
子趙簡王問于解狐曰孰可以為上黨守對曰荆柏柳可  
趙簡王曰非子之讐乎對曰忠臣舉賢不避仇讐 趙武  
薦白屋之士六十家韓

史記

卷之五

四

史韓信亡去蕭何追之因為於漢王曰必欲爭天下非信無可與計事者鄭當時為司農其推轂士及官屬丞史誠有味其言也聞人之善言進之上唯恐後山東諸公以此翕然稱鄭莊韓安國嗜于財然推舉皆廉士賢于已者也於梁舉壺遂臧固到佗皆天下之名士張安世嘗有所薦其人來謝安世大恨以為舉賢達能豈有私謝邪何武為楚內史厚兩龔在沛郡厚兩唐及為公卿薦之朝廷此人顯於世者何侯力也漢書宋弘薦桓譚召拜議郎給事中光武每醺輒令鼓琴弘聞之悔於薦舉召譚讓之後大會帝使譚鼓琴弘曰臣所以薦桓譚者望能以中正導主而令朝廷耽悅鄭聲臣之罪也帝從容謝之劉勝知善不薦聞惡不言隱情惜已自同寒蟬後漢龐統性好

論人每所稱述多過其才人怪問之曰當今雅道陵遲善人少惡人多今拔十得五猶可以崇勵世教蜀志荀彧前後所舉皆命世大才終為卿相者十數人魏志凌寶移書大常薦同郡張贍曰方今太清闕宇四門啟鑰晉書裴頠薦韋忠於張華忠不超曰裴逸民每有心托我我嘗恐其溺于深淵而餘波及我况乃褰裳就之哉通鑑狄仁傑為相婁師德實薦之仁傑不知數擠師德於外武后問仁傑曰師德知人乎曰未聞武后以告仁傑嘆曰婁公盛德我為所容仁傑薦張柬之姚崇桓彥範敬暉數人卒為名臣或曰天下桃李盡在公門仁傑曰薦賢為國非為私也武后詔丞相各舉尚書郎一人仁傑薦子光嗣後稱職后曰祁奚內舉果得人崔祐甫當國薦舉惟其人未踰年除吏幾

八百員莫不諧名唐書

傳記楚莊王罷朝而晏樊姬問之王曰與賢相虞丘子語  
樊姬掩口而笑曰虞丘子為相數年未嘗進一賢不知知  
而不進不忠王以告虞丘子虞丘子辭位而進孫叔敖楚  
莊以霸離躬殷仲軍稱劉尊祖於庾公使取為佐既見與  
語殊不稱庾大失望遂名之為羊公鶴昔羊叔子有鶴善  
舞嘗向客稱之客試使驅來氈毼而不肯舉故稱比之世  
集朝取一人焉按其充暮取一人焉按其充 誠不忍奇  
寶橫弃道側 昔人有鬻馬於市者知伯樂之善相也從  
而求之伯樂一顧價增倍 屢為丞相言雖懇不見錄  
後前群公賜食罷驂騮踏踏且閑稱多量火裁鑑密豈  
忘幽桂遺榛管幾欲犯顏出薦口氣象硤硤未可攀韓文

待吹噓送上天杜詩

本朝王太尉薦寇萊公為相萊公數短太尉于上前上謂  
太尉曰卿雖稱其美彼專談卿惡太尉曰臣在相位久政  
事闕失必多準對陛下無所隱益見其忠直此臣所以重  
準也上由是益賢太尉言行錄孫杵薦唐介吳中復為御史  
孫晚為執政嘗嘆曰吾何功以輔政惟薦二臺官為無愧  
耳東軒錄呂蒙正為相夾袋中有冊子四方人謁見必問其  
有何人才客去隨即疏之或有一人而數人稱之者必賢  
也朝廷求賢取之囊中故文武百官各稱職范忠宣公  
薦引人才必以公議未嘗示恩惠於人 王沂公擢用人  
才絕口未嘗言子弟曰獨不使之知乎公曰若使之知是  
我徇私情而市私恩也恩欲歸已怨使誰歸言行錄韓魏公

喜用知名士或不識其面既用之其人亦不知所薦 李  
師錫改京官 仁宗覽其薦者三十二人師錫乃使相  
王德用甥婿上曰保任之法欲以盡天下之才但薦勢要  
孤寒何以進乃令師錫循資 呂公著薦張載脩身講學  
為關右士人師表且深知邊境利害上以為崇文院校書  
呂正獻公與溫公同舉程頤乞特加召命待以不次拜  
崇政殿說書 程伊川與韓持國范夷叟泛舟汴更客將  
云有一官員上書謁見求知已頤云大賢居位不去求人  
乃使人倒來求已是甚道理夷叟云求薦章常事也頤云  
不然只為曾有不求者不與求者與之遂致人如此語范  
文正公知杭州蘇鱗為屬縣巡檢城中兵官往往皆獲薦  
書鱗在外邑未見収録獻詩曰近水樓臺先得月向陽花

本易為春文正薦之 况子多才兼美行薦書則即達承  
明 簞擯瓦礫遺琳球薦書轉石古所充歐都邑正喧收  
杞梓 回看世上無伯樂都道鹽車勝月題東

# 書考

**經**以參互攷日成以月要攷月成以歲會考歲成禮  
**史**京房對曰古帝王以功舉賢則萬化成瑞應著宜令百  
官各試其功災異可息詔使房作其事房奏考課吏法漢  
劉邵作都官考課法七十二條魏杜預受詔為黜陟之法  
曰莫若委選官各考所統在官一年以後每歲言優者一  
人為上第劣者一人為下第因計偕以名聞按其六歲處  
優舉者超用之六歲處劣舉者奏免之其優多劣少者叙



用之劣多優少者左遷之晉書上考第群臣以李絳孫伏伽  
為第一 盧承慶考內外官有一官督運遭風失米盧考  
之曰監運損糧考中下其人容止自若無一言而退盧改  
注曰非力所及考中中既無喜容亦無媿辭又改曰罷辱  
不驚考中上唐鑑陽城自署曰無字心勞催科政拙考下下  
互觀太唐臨自述其考曰形如死灰心若鉄石 張說為  
中書令玄宗詔曰動惟直道累開獻替之誠言則不諛自  
得謨猷之跡才望兼著理合褒陞考中上唐書  
傳記周李詳解竭塩亭尉因考為録事所擠詳謂刺史曰  
録事持銓曹之權當要害之地為其妄褒貶耳若使詳秉  
筆頗亦有詞刺史遂授筆詳即書録事考曰怯斷大案奸  
勾小稽自隱不清言他總濁堦前兩競聞困方休獄裏囚

人非赦不出天下以為談笑之最焉御史臺記

本朝元祐四年吏部言州令罷任委知州通判考察課績  
以德義有聞清謹明著公平可稱恪勤匪懈為四善以獄  
訟無冤催科不擾稅賦無陷失宣敕條貫按帳簿書齊整  
差役均平為治事之最農桑墾殖野無曠土水利興修民  
賴其用為勸課之最屏除奸盜人獲安處賑恤貧窮不致  
流移而能招誘復業為撫養之最仍通取善最為上中下  
三等限次月申監司類聚每年一次同行審覆若有能否  
名著者別為優劣等上半年限八月下半年限二月保明  
以聞

# 受代

已錄前每  
卷之六

經瓜而代左

任昉為吳興太守清潔友人劉溉與弟洽從昉為山澤遊被代而還無衣沈約為裙衫迎之諫宋世良為清河太守及代至傾城祖道有老人曰老人年九十記三十五政府君非惟善政清亦徹底申徽為襄州刺史及代還人吏送者數十里不絕徽賦詩於清水亭長幼皆競來就讀遞相謂曰此是申使君手迹並寫誦之

傳記李元紘治潤有惠政代去吏民遮留烏鵲群飛翔集以擁行車姚崇牧荊州受代吏民擁馬截鞶留鞭開元天寶

集解龜在景平謝靈運詩解龜謂解去所佩龜印也景平宋文帝年號

本朝士人歷官一任得外無宣謗中無所愧於心釋肩而

去如大執遠行雖未到家得清涼館舍一解衣漱濯已足

樂矣東坡

# 章服

經以訟受服亦不足敬也易天命有德五服五章哉惟

衣裳在笥書服其命服詩

傳記唐初品官舊服止黃紫貞觀四年詔三品以上服紫四品五品已上服緋六品七品以綠八品九品以青宋徽二年京官文武職事四品五品並給隨身魚袋天壽中改佩魚為龜神龍依舊景雲赦文魚袋著紫者金裝著緋者是時正員官始佩魚其離任及致仕即去魚袋員外判試并檢校等官並不佩魚開元中張嘉貞奏請致仕官及內

外官五品以上檢校試判及內供奉官見占闕者聽準正員例許終身佩魚以理去任亦許佩魚自後恩制賞緋紫謂之章服凡服飾差等上得兼下下不得僭上唐會要及戒林本朝雍熙初郊祀慶成始詔升朝官緋綠二十年叙賜緋紫真宗東封西祀赦書京朝官並以十五年為限太平興國二年詔朝官出知節鎮及轉運使副借紫知防團刺史州借緋衣緋者借紫其知通判知軍監止借緋魚袋之制國初多闕雍熙元年南郊畢內出魚袋以賜近臣由是內外升朝文武官皆佩魚會舊制借服者但稱借紫借緋而已初不佩魚醫官職雖高亦不佩魚政和初王詔上言於是始佩魚稱借紫金魚袋而醫官隨服色佩魚矣後國史補

## 賜緋

**史**李子慎誣告其舅以獲五品其母見其著緋衫泣曰此是汝舅血染者耶張宿賜淄青裴度欲為請銀緋太和三年中書門下奏參戎要但官至侍御史以上者雖借考未至亦量許奏緋唐書

傳記張鷟初為岐王屬夜夢著緋乘驢睡中有怪我衣綠乘馬何為衣緋却乘驢其年應舉及第授鴻臚丞未經考而授五品以其應也張鷟為鴻臚丞帽帶及綠袍並鼠齒有蜘蛛大如粟當寢門懸絲上經數日大赦加階授五品周朱前疑上書勸緋笄袋未入五品於綠衫上帶之朝野莫不在笑載張嘉貞開元中書令著緋傳游藝武后

時居相位者新南部沈佺期以罪謫遇恩復官而未還朱

衣因內晏群臣皆歌迴波詞佺期曰身名已蒙齒綠袍笏

未賜牙緋中宗即賜之林事緋袍子紛紛紫見下賜

集朱綬白銀章李扶病垂朱綬銀章付老翁杜朱衣象

笏承命以行朱衣象板賜服朱銀加賜朱衣銀魚

韓文彩動綾袍馮趨行白集注云緋多以腰白金服赤綬

徒使花袍紅似火其如蓬鬢白如絲魚綴白金隨步躍

鵲衙紅綬遶身飛榮傳錦帳花聯尊彩動莎衫馮趨行

開弟行簡並前賜朱衣銀印劉嬰腰垂魚印首帶武冠給

表楚代

# 賜紫

**史**馮伉為皇太子諸王侍讀殿中賜金紫服 太和三年

中書門下奏檢校四品兼中丞先賜緋經三周年以上者

兼許奏紫唐書

傳記武后以南海獻集翠裘賜張昌宗狄仁傑入奏事后

令爭三籌賭昌宗所衣裘卿以何物為對狄因指所衣紫

駝袍曰臣以此敵則天笑曰此裘價逾千金卿之所指為

不等矣狄對曰臣此袍乃大臣朝冕奏對之服也集異李

泌起家金紫為帝王師廣記顏真卿問范氏尼曰吾得五品

否尼指座上紫絲布云顏郎衫色如此 或有客譏來濟

近日白袍子紛紛濟曰正由緋袍子紫袍子紛紛國史崔

日用為中丞賜紫是時佩魚須有特恩日用因內晏撰迴

波詞中宗以金魚賜之本事詩

集恩降重霄崇沾陋質虛贖陟明之典恐興彼已之詩  
金章紫綬照青春謝

# 封爵

經列爵惟五書一曰爵以馭其貴禮以德詔爵上

史昔周爵五等春秋三等注云春秋變周之文從殷之質  
合伯子男為一則殷爵三等者公侯伯也說爵一級曰公  
士二上造三簪褭四不更五大夫六官大夫七公大夫八  
公乘九五大夫十左庶長十一右庶長十二左更十三中  
更十四右更十五少上造十六大上造十七駟車庶長十  
八大庶長十九關內侯二十徹侯皆秦制以賞勞功  
項王使人有功當封爵刻印利忍不能予漢書樊噲破

軍上聞賜爵 明帝詔民爵 過公乘得移與子若同產爵

過公乘得移其親漢書 建安二十六年始制名號侯置五大

夫與舊列侯關內侯凡十六等以置軍功注置名號侯爵

十八級關中侯爵十七級皆金印紫綬又置關內外侯十

六級銅印龜紐墨綬五大夫十五級銅印環紐亦墨綬皆

不食租與舊列侯關內外侯凡十六等令之虛封自此始

魏志唐之封爵皆設虛名其食實封者給繒布而已唐書

集漢高祖嘗詔天下凡以戰得爵七大夫公乘以上令丞

與亢禮故為吏益難文柳

本朝唐制王食邑五千戶郡王國公三千戶開國郡公二

千戶縣公千五百戶縣侯千戶伯七百戶子五百戶男三

百戶又有食實封者戶給繒帛每賜爵遞加一級唐末及

五代始有特加邑戶而罷實封之給本朝會要

# 封王

**史**高祖定天下功臣異姓王者八國咸得裂土南面稱孤  
韓信平齊使人言漢王曰齊夸詐多變不為假王以鎮  
之其勢不定請自立為假王漢王罵曰大丈夫定諸侯即  
為真王何以假為高祖四年立韓信為齊王徙為楚王  
五年以九江王英布為淮南王盧縮為燕王韓王信為代  
王彭越為梁王呂后臨朝封諸呂為王太后病戒產祿  
曰高祖與大臣約非劉氏王者天下共擊之今王呂氏大  
臣不平我即崩大臣恐為變必據兵衛宮母為人所制太  
后崩周勃陳平劉章

迎立代王漢書匈奴攻耿恭單于遣使招恭曰若降者當封

為白屋王漢書尉景之子祭酒龐武天保初封庫狄干等為

王祭以景不預王爵大志恨閉門不朝帝惟遣就宅問之

隔門謂使人曰天子不封祭父作王祭不如死文宣親詣

其宅尉之方復朝請北齊書

本朝中書令趙普封韓王謚忠獻太尉高瓊封衛王謚烈

武國顯班帝制榮啓國封集金券王冊虎符龍節東坡表

遂膺典冊進位真王衮衣繡裳既極公台之貴金印盤

綬肇開王社之封土宇分封位列真王之貴禮表

# 郡王

**史**天寶九載賜安祿山爵東平郡王唐將帥封王自此始

肥

通上元二年李光弼兵敗河陽失守又河中軍亂殺其帥  
李國貞太原節度使鄧景山亦為部下所殺遂用郭子儀  
進封汾陽郡王出鎮絳州子儀擒其殺國貞賊首王元振  
數十人並誅之太原辛雲京亦誅害景山者由是河東諸  
鎮悉皆奉法 渾瑊父釋之積戰功累遷至開府儀同三  
司寧朔郡王德宗幸奉天瑊率家人子弟以拒朱泚賊平  
德宗封瑊為咸寧郡王 馬燧少讀書輟卷歎曰丈夫當  
建功於昭代以濟四海安能矻矻為一儒哉燧姿度魁異  
沈勇多智畧朱泚之亂燧守太原引晉水而注城之東渚  
以為池寇至計省守陴者萬人封比平郡王  
集功業汾陽異姓王詩杜  
木朝曹彬追封濟陽郡王謚武惠 燧宗室近親承襲特旨

者封郡王兩朝志光奉制書峻膺寵數淮陽王故皇子

# 開國郡縣公

經諸公之地封疆方五百里其食者半 公執桓圭 上

公九命為伯禮周

史咸熙元年相國晉王奏建五等諸公地方七十五里邑  
一千八百戶置相一人典祠典書典衛典禮各一人妾六  
人車前司馬十人旅賁四十人魏上公九命則劔履上殿  
有善相者師圭謂陶侃曰君左手中指有堅理當為公  
若徹於上貴不可言侃以針決之見血洒壁而為公字以  
紕衰手公字愈明晉許洛陽為鴈門太守家田三生嘉禾  
皆異壘合頴世祖善之進爵比地公北史

傳記公直也取其正直無私釋

本朝皇屬有特封郡公縣公或贈侯者無開國字三朝志

# 國公

本朝舊制將相食邑萬戶即封國公王且過萬戶而謙抑不請封慶曆七年南郊中外將相惟夏竦滿萬戶中書請封英國公因詔使相未滿萬戶者皆得封宋敏求錄國朝之制食邑滿萬戶乃封國公惟宰相三公則通計實封滿萬戶便封國公杜衍既致仕因郊祀當加惠而食邑未滿萬戶特詔封祁國公蓋異禮也其後遺奏有曰非萬戶而忝賜履之封自三少而席司成之重蓋謂是云徐度編遇恩及宗室祖宗後承襲及特旨者封國公三朝制

# 開國侯

經屯利建侯 豫利建侯行師易諸侯之地封疆方四百里其食者參之一 侯伯七命 侯執信圭周禮

史高帝初封侯者皆賜丹書鐵券曰使黃河為帶泰山為礪漢有宗廟爾無絕世 漢封功臣張良未有戰鬪功高帝曰運籌帷幄之中決勝千里之外子方功也乃封良為留侯 上在洛陽南宮從複道望見諸將相與坐沙中語上曰此何語留侯曰此謀反耳上曰為之柰何留侯曰上平生所憎群臣所共知誰最甚者上曰雍齒留侯曰今急先封雍齒以示群臣上置酒封雍齒為十萬侯皆曰雍齒且侯我屬無患矣 韓王信入匈奴與太子俱至類當城



生子因名頽當至文帝時降封功高侯頽當孽孫媽貴辛  
顯當世媽弟說以校尉征匈奴封龍額侯漢書馮石襲母公  
主封獲嘉侯為安帝所寵常幸其府留飲十日許賜駿犀  
具劔佩刀紫紋綬玉玦各一 光武封功臣令各言所樂  
諸將皆占豐邑羨縣惟丁綝願封本鄉曰昔孫叔敖救其  
子受封必受境埔之地令綝能薄功微得封鄉亭侯足矣  
光武封景丹櫟陽侯帝曰富貴不歸故鄉如衣錦夜行  
故以封鄉耳 詔曰竇融執志忠孝扶微救危仇疾反虜  
隗囂率勵五郡精兵羌胡畢集兵不血刃而虜土崩瓦解  
朕甚嘉之其以六安豐陽原蓼安凡四縣封為安豐侯  
班超詣相者相者曰生燕額虎頸飛而食肉此萬里侯  
相也 班超定西域五十餘國封為定遠侯後漢書曹沐自

荆州北歸太祖曰此吾家千里駒也封為東亭侯 咸熙  
元年晉王奏建五等諸侯地七十里邑千六百戶官屬同  
諸公妾五人車前司馬八人旅賁三十六人魏志相工指呂  
僧珍曰此兒有奇聲封侯也 宋明帝目李安仁曰卿  
面方如田封侯相也南史李崇以父賢勳封廼樂縣侯時年  
尚小親族相賀崇獨泣賢憮而問之對曰無勳於國而幼  
小封侯當報王恩不得終於養是以悲耳賢由是大奇之

傳記列侯金印紫綬功大者食縣邑小者食鄉亭漢書孔  
愉以討華軼功封餘下亭侯初愉少時嘗得一龜於餘下  
溪中流左顧者數四及鑄侯印而龜左顧更鑄猶然愉悟  
遂佩焉晉中興書

本朝

制度見後食  
邑實封類

# 開國伯

**經**諸伯之地封疆三百里其食者參之一伯執躬圭

侯伯七命禮

**史**咸熙元年晉王泰建五等伯地方六十里邑千二百戶

官屬同諸公妾四人車前司馬八人旅賁二十八人魏王

勇論討茹茹功別封永固伯邑五百戶時有別封者例聽

迴授次子勇獨請封兄子元興時人義之後周書

傳記伯白也孝經援

本朝制度見後食  
邑實封類

# 開國子

**經**諸子之地封疆方二百里其食者四之一子執穀璧

子男五命禮

**史**咸熙五年晉王奏五等諸子地方五十里邑八百戶官

屬同諸公妾三人車前司馬四人旅賁二十人咸熙中

改封蔣愷為下蔡子魏王敬則封崇安縣子敬則幼時於

草中射獵有蟲如鳥豆集其身摘去乃脫脫屣皆流血敬

則惡之詣道士卜道士曰此封侯之端也齊書

傳記子獨孳孳栖下之稱也環齊要畧 本朝制度見後食  
邑實封類

# 開國男

經諸男之地封疆方百里其食者四之一 男執蒲璧子男五命

史咸熙元年晉王奏建五等諸男地方三十五里邑四百戶妾二人車前司馬二人旅賁十二人又次國男方二十五里邑二百戶

傳記男任也任治事受王命為君也

本朝制度規後食

# 食邑實封

經晉於是乎作爰田注云分公田之稅應入公者爰之于所賞之衆 晉侯賞桓子狄臣千室亦賞士伯以瓜衍之縣 衛侯與免餘邑六十辭曰唯卿備百邑臣六十矣下而上祿亂也 魯昭公孫于齊齊侯曰自莒疆以西請致千社

子公子開方以書社七百下衛矣

史秦以呂不韋為丞相封文信侯食河南洛陽十萬戶今濟南中山王辛以支庶享食大國衍食他縣

年常嗣立上疏以為食封之家其數甚衆昨問戶部云用六十餘萬丁一丁絹兩疋凡百二十餘萬疋臣頃在太府每歲庸調絹多不過百萬少則六十萬疋比之封家所入殊少不若悉記丁輸之太府使封家於左藏受之為愈上弗聽通鑑開元十年初令宰相共食實封三百戶以七丁為限元和五年應給實封例節度使兼宰相每食實封百戶歲給八百端匹若是絹加給綿六兩節度使不兼宰相每百戶給四百疋軍使諸衛大將軍每百戶給三百五十端匹唐書宋齊丘罷相願復歸九華山賜號九華先生食青陽一縣五代史

傳記北齊以後功臣多食郡縣輸若高德正封藍田公食渤海郡輸雜記

選人初命官便帶階每加恩如上件之數加焉祖宗用此以別仕進之新舊蓋祖宗用人必擇歷試之才能自非士取殊科在三人之列及制科入等方不次擢任然亦須先歷一任倅幕使知州縣事方登館閣擢言路自餘皆以資歷選任故以階勳別之熙寧王安石當國之初喜用新進以行法不次擢任猶然開陳其人之才能稟上而進擬逮元豐判乃以階為寄祿官故只加勳而已至政和以後蔡京用事專選新進之附己者不次擢用慮人君檢察同列梗議當職人言遂削去勳每有恩霈只云合加恩人並無加恩乃立司封法暗理加勳之數加至上柱國方封爵加食邑云官制

# 任子

**經**賞延於世 世選爾勞予不掩爾善書古之仕者世祿

詩序

**史**袁盎兄噲任盎為郎 汲黯以父任為太子洗馬 王

吉曰今使俗吏得任子弟率多驕傲不通古今至於積功

治人無益于民此伐檀所由作也宜明選賢才除任子之

令漢書各以品之高卑蔭其親屬多者及九族少者三世宗

室國賓先賢之後及士人子孫亦如之晉嚴父弱冠以門

蔭策名 李德裕以蔭補校書郎後為名宰相唐書

傳記漢制二千石九卿得資蔭為郎皆為三省郎悉屬光

祿勳更直執戟宿衛及其高第有廉茂可察四行可舉乃

出諸長及丞自魏晉迄唐臣僚有功利及民勞效在國始

賜其子官至唐開元三品以上許蔭子孫降子一等曾孫

又降一等散官同執事蔭四品五品以降 臣早以門資

初登官叙通鑑世臣門子勳之族天隆其祐主豐其祿蘇

集以門功拜為太子舍人公初為吏亦以門庇房公東

陰令于興宗生於公侯家以覆蔭入仕劉夢

本朝太平祥符二年邢昺言欲望自令補蔭出身人並須

先於國學聽書二年候滿日本學牒送審官院依條試驗

方與差遣要

# 世官

**經**官人以世書古者臣有世功世其官邑詩世祿之家鮮

已纂冊海 卷之三十一

十一

克由禮錡春秋譏世卿公五世其昌並於正卿八世之後  
莫之與京馱陳厲公生敬仲筮之曰此其代陳有國乎不  
在此其在異國非此其身在其子孫光遠而自他有耀者  
也左

子所謂故國者非謂有喬木之謂也有世臣之謂也孟子  
華之門徒皆世族也縞衣垂軒濶步緩視列

史孟嘗君曰文聞將門必有將相門必有相史汲黯濮陽  
人其先有寵于古之衛君至一黯十世世為卿大夫漢興

以來侯者百數保國持寵未有若富平者也路溫舒辭  
順而意篤遂為世家宜執公侯皆傳龜襲紫綬縷紐

應對奕徹武帝謂朱异曰可謂相門有相書博陵崔儼總

辨親三世變貞元以來言家法者以儼為首生六子一登

輔相五任大僚太常卿邠太府卿邠外臺尚書郎邠庭尉

卿邠執金吾邠左僕射平章事邠宣宗聞之嘆曰崔邠家

門孝友可為士族師法矣邠嘗構小齋于別寢御筆題額

賜號曰德星堂今京兆民因崔氏舊里立德星社唐書

傳記金日磾忠勤之節七葉侍中故輔唯金張子弟世履

忠篤故保貴恃寵祚鍾昆嗣類聚文通侯百數富平最盛于

西京類要謂張孫東京楊氏累世宰相為漢名族然袁氏車

# 衣冠盛事

馬衣服極奢僭能守家風為世所貴不及楊氏也望豐

屋知名家類公門有公卿門有卿王沉釋

傳記前漢金日碑張安世七葉珥貂為侍中 張氏自昭  
帝封安世至吉傳國八世歷莽篡二百年間未嘗遣黜封  
者莫與為比 常賢及子元成平當及子晏唐劉祥道及  
子齊蘇瓌子頰李吉甫子德裕房融子琯皆父子為相  
後漢竇巖為司空子畧少保畧子熾大傅畧孫毅大司馬  
楊氏自震至彪四世太尉德業相繼為東京名族 素  
安為司徒子敞為司空孫湯為太尉湯子逢為司空逢弟  
遇為司徒 晉謝安子琰琰子混三世僕射 中書令王  
述述子坦之坦之子愉三世中書僕射 梁謝覽為吳興  
守與祖宋中書莊父齊太子詹事濤伯父司徒肱侍中敬  
三代五人為此郡 謝弘子微微子莊莊子肱肱孫哲五  
世為侍中 後魏宇文泰太尉子測少保深少師深子孝

伯少冢宰又晉荀勗司徒子泮太保組太尉萍子遂太保  
皆三世四公 後魏李冲冲子延寔延寔子或又西魏長  
孫雅為太師子紹遠大司馬紹遠子覽大司徒皆三世三  
公 北齊賀拔允為太尉弟勝為太師丘為太保勝堂弟  
仁為太師一門四人為三公 後周于謹為太師二子寔  
為司空翼為太尉一門三人為三公 唐蕭瑀子嵩華二  
子並為相 張嘉禎子延賞延賞子弘靖又蕭復子宣實  
子遵崔沔子祐甫祐甫子植並三世為相 貞觀中顏師  
古相時勤禮三人皆弘文館學士 開元中鄭齊景齊丘  
齊望兄弟並為著作郎 裴諝為河南尹此官諝五世為  
之諝坐未嘗當正位為政以和易為理 常氏東眷有道  
道公履郎公孝寬西眷有平齊公瑱固安公法保並為盛

門至今稱為四公之後已上並雜見史傳前職官部中亦多收載恐難檢尋今復類聚于此

### 父子同朝

經父子並為周司徒鄭武公莊也詩武公莊公為平王卿士

史成王於周公子父俱延拜而受之注云周公拜前魯公

拜後漢書疏廣疏受父子並為師傅朝廷以為榮蘇頌遷

給事中拜中書舍人父瓌同中書門下三品父子同在禁

苑朝廷榮之貞元四年詔以太尉中書令西平郡王晟

長子愿為銀青光祿大夫太子賓客賜勳上柱國與晟門

並列戟唐書

傳記崔湜弱冠登科不十年掌貢舉遷兵部父揖亦嘗為

禮部至是父子累日同省為侍郎翰林盛事

集近世勳將尤貴富者言李郭而汾陽西平猶不得父子並為節制公與子布同日登將壇田弘正墓誌

### 父子相繼

史杜延年周之子也為御史大夫延年居父官府不敢當

舊位坐卧皆易其處漢書畢眾敬子元賓父子相代為兖州

當世榮之史北

傳記肅康代父為涼州刺史父出止傳舍康入官宇時人

榮之二輔決錄

集大許公為相於武后朝小許公佐玄宗杜牧蘇頌類也

### 兄弟同朝



史張綰爲中丞兄續爲僕射元日舊制僕射中丞坐爲東西時百司就列導騶分趨兩途前代未有時人榮之書劉偉之爲左史懿之爲給事中兄弟並居兩省論者美之書唐

## 兄弟相繼

史馮立與兄野王相代爲西河上郡太守民歌之曰大馮君小馮君兄弟繼踵相因循聰明賢智惠吏民政如魯衛德化鈞周公康叔猶二君漢夏侯夔爲南豫州刺史兄實先經此任並有恩惠百姓歌曰我之有州頗得夏侯前兄後弟布政優優漢賈敦頤爲洛州刺史其弟敦實後繼鎮之並有惠政百姓前後立一碑於東京唐書

## 入貲

史張釋之以貲爲騎郎卜式上書願輸家半財助邊漢使使問式式曰天子誅匈奴愚以爲賢者宜死節有財者宜輸之如此而匈奴可滅也是時富豪者皆爭匿財唯式允欲助費上乃拜爲中郎賜爵左庶長田十頃布告天下尊顯以風百姓漢書崔烈因傳母入錢五百萬得爲司徒及拜日帝曰悔不少靳可至千萬程夫人於傍應曰崔公冀州名士豈肯買官賴我得是豈不知妹也皇甫規解官歸安定鄉人有以貲得鴈門太守者亦去職還家書刺謁規規臥不迎既入而問卿前在郡食鴈美乎有頃又白玉符在門規驚遽而起衣不及帶屣履出迎接符手而還與

同坐極歡時人爲之語曰徒見二千石不如逢掖漢中宗  
時安樂公主等用事請謁受賄雖屠沽臧獲用錢三十萬  
則別降墨敕除官斜封付中書時人謂之斜封官通鑑  
傳記劉陶爲京兆尹到職當出脩官錢千萬陶清貧而恥  
以錢買職稱疾不聽政雜錄崔烈買司徒問子均曰人謂何  
如對曰海內嫌其銅臭春秋

### 納粟

史晁錯說文帝曰欲民務農在于貴粟貴粟之道在於使  
民以粟爲賞罰金易天下入粟縣官得以拜爵得以除罪  
如此富民有官農民有錢粟有所滌夫爵者上之所擅出  
於國而無窮粟者民之所種出于地而不乏使天下入粟

於邊以受爵免罪不過三歲塞下之粟必多夫於是文帝  
六百石爵上造四百石爵五大夫漢食貨志

### 改官

本朝天聖前諸路使者薦舉未有定限選人止用四考改  
官然是時吏部選人磨勘歲纔數十人慶曆以後增爲六  
考知州等薦吏部皆視屬邑多寡裁爲定數於是舉者皆  
以應格充數爲意遂數倍于前錄元祐二年詔吏部選  
人改官每歲以百人爲額從孫覺之請也 紹聖元年詔  
引見磨勘改官人權依元豐令五日引一甲每甲引三人  
每年不得過一百四十人俟後次不及百人取旨會邊邑  
備員茂聞善狀大庭偶見賜與階升 龍墀引對叨被

言... 卷之... 三...  
寵陞俄應格于天官遂進階於文散 俾脫迹於銓衡獲  
陞名於京籍偶歲成之及格蒙序法之推恩 校課中銓  
方上六年之最拜恩宸陞濫沾八品之階職表公子亦改  
官三就繁馬頭詩坡

# 遷除

**史**田蚡為丞相薦人或起家至二千石權移主上上迺曰  
君除吏盡未吾亦欲除吏漢亦有少負令譽弱冠超越清  
級者 南齊丘巨源為江夏王掌書記平除奉朝請補  
昌二年崔鴻建議曰竊見景明以來考格三年成一考一  
考轉一階貴賤內外萬有餘人自非犯罪不問賢愚莫不  
上中才與不肖比肩同轉雖有善政如龔黃才吏如班馬

文章如張蔡得一分一寸必為常流所攀選曹官擢為一  
槩不曾甄別雖明旨已行猶宜消息不從此  
**傳記**凡言除者除故官就新官也漢書音義陳依梁制若有遷  
授吏部先為白牒列數十人尚書與參掌者共署奏敕或  
可或否其可者則下於選曹以貴賤別內外隨才補用以  
黃絺錄名八座通署奏可乃出以付與典書其名貼鶴頭  
板修整容儀送所授之家其別發詔除者即宣付詔局章  
奏聞敕下黃絺寫出門下荅詔請付外施行通郭汾陽每  
遷官則面長二寸額有光氣事已乃復隴上  
**集**光陰荏苒遷授頻仍李義山恩光照拙薄雲漢希騰遷詩  
本朝叨膺渙渥叙進官聯一醫是肱三折官多歲九遷山

# 罷免

**經**狼蹕曰吾以勇求右無勇而黜亦其宜也謂上不我知黜而宜乃知我矣黜令尹子文三已之無愠色 柳下惠為士師三黜一節論語

**史**荀卿適楚春申君以為蘭陵令春申君死而荀卿廢史漢高赦韓信為淮陰侯信居常鞅鞅與絳灌等列過樊將軍噲噲跪拜送迎言稱臣曰大王肯臨臣信出門笑曰生乃與噲等伍 孫會宗與楊惲書云大臣廢退當闔門皇懼為可憐之意 李廣贖為庶人屏居藍田南山中射獵飲還至亭灞陵尉醉呵止廣曰故將軍尉曰今將軍尚不得夜行何故也 哀帝時冊免孔光曰君其上丞相博山

庚申綬罷歸光退問里杜門自守譔柳渾罷政事後數日置酒召故人出遊酣肆乃還曠然無黜免意時李俊盧翰皆以舊相闔門奉朝請嘆曰吾等視柳宜城真拘俗之人

唐書

傳記鄧竟陵免官後見桓公公問之曰卿何以更瘦鄧曰有愧于叔達不能不恨于破醜 殷中軍廢後恨簡又正云上人著百尺樓上儋檣將去世說

集坎壈兮寒士失職而志不平宋玉

本朝人事雖好乖吾生亦多忤 才如得風鷁已復觸藩 抵 中道勒面奔電足 留滯常思動艱危却悔來 珉 賤易為價玉弃父埋塵陳后 鹽車屈騏驎烈火廢珪瓚蘇坡

# 貶竄

**經**流宥五刑 舜流共工于幽州放驩兜于崇山竄三苗于三危殛鯀于羽山 五流有宅五宅三居書屏之遠方終身不齒記舜臣堯流四凶族渾敦窮竒檮杌饕餮投諸四裔以禦魑魅 周公殺管叔而囚蔡叔 君曰余不女忍殺宥女以遠逸速行乎左

**史**及原既放行吟澤畔作懷沙之賦沉汨羅而死 賈誼謫為長沙王太傅有鵬飛入誼舍止于坐隅鵬似鴉不祥鳥也誼居長沙卑濕自傷壽不得長乃為賦以自廣史虞翻放奔南方云犯上獲罪當長沒海隅生無可與語死以青蠅為弔客使天下一人知己者足以不恨以典籍自慰

作易設象以占吉凶吳齊高帝敕劉祥曰我當原卿性命令卿萬里思愆乃徙廣州南楊憑貶臨賀尉姻友憚累無往候者獨徐晦至監田慰餞宰相權德輿謂曰無乃為繫乎晦曰方布衣時臨賀知我今忍遽弃也有如公異時為奸邪潛斥又可爾乎德輿嘆其直李夷簡表為監察御史晦過謝夷簡曰君不負楊臨肯負國乎 李德裕貶潮州著述雜序數十篇號曰窮愁志其論真數曰予自荆楚保釐東周乎路出方城有隱者謂方城長曰此官人居守後二年南行萬里則知憾餘者必因天譴潛予者乃自鬼謀雖拘至寃固不為恨唐書

傳記殷浩被黜夷神委命雅詠不輟雖家人不見其流放之戚續晉書殷中軍被廢在信安終日常書空作字楊州吏

民尋義逐之竊視唯作咄咄怪富四字而已世陸宣公至  
忠州土塞其門益菜由狗竇中端坐抄藥方兒姪亦罕與  
語丁用晦錄新繁縣有東湖李德裕為宰日所鑿夜夢一老  
父曰某潛形其下幸庇之明府富貴今鼎來十九之年當  
相見于萬里外後於土中得一墓徑數尺投之水中而德  
裕以六十三卒于朱崖果應七九之讖北壽  
集屈原既放三年不得復見竭智盡忠而蔽障於讒心煩  
意亂不知所從乃往見太卜鄭詹尹曰云云俗溷濁而不  
清蟬翼為重千鈞為輕黃鐘毀弃瓦釜雷鳴讒人高張賢  
士魚名楚辭恭承嘉惠兮待罪長沙側聞屈原兮自沉汨  
羅造託湘流兮敬弔先生遭世罔極兮迺墮厥身嗚呼哀  
哉兮逢時不祥焉鳳伏竄兮鴟鴞翱翔茸尊顯兮謗得

志賢聖逆曳兮方正倒植謂隨夷溷兮謂跖躄廉鎮鉞為  
鈍兮鉛刀為銛吁嗟默默生之無故兮幹弃周鼎寶康瓠  
兮騰駕罷牛駮蹇驢兮驥垂兩耳伏蓋車兮章甫薦屨漸  
不可久兮嗟苦先生獨罹此咎兮賈誼賈生西望憶京  
華湘浦南邊莫怨嗟聖主恩深漢文帝憐君不遣到長沙  
去歲左遷夜郎道 屈平顛顛滯江潭奇伯流離放遼  
海 遷人發佳興 我是瀟湘放逐臣 天外常求太白  
老金陵捉得酒仙人 一為遷客去長沙西望長安不見  
家時萬里傷心嚴譴日百年垂死中興時誰孤臣昔放逐  
泣血追愆尤 謂言即施設乃反遷炎州 朝為青雲士  
暮作白首囚 靜思屈原沉遠憶賈誼貶翻飛乏羽翼指  
摘困瑕玷 一封朝奏九重天夕貶潮陽路八千欲為聖

明除弊事肯將衰朽計殘年雲橫秦嶺家何在雪擁藍關  
馬不前 前年出官日此禍最無妄婦匪兇吾爲押兮匪  
豕吾爲牢積十年莫吾省兮增蔽吾以蓬蒿 始驚陷世  
議終欲逃遷刑 風波一跌逝萬里壯心瓦解空縲囚  
未競遷喬樂俄成失路嗟 別怨秦城暮途窮越嶺斜沉  
埋全死地流落半生涯 獨奔僞人國難窺天子墻  
玉機全息懷沙事不忘 十年顛顛到秦京誰料翻爲言  
上行 一年去國六千里萬死投荒十二年柳柳子厚文  
已十二年程劉二韓皆已拔拭獨子厚與袁鳥爲伍語  
語簡咋舌驚魂分終裔壤劉沉舟側畔千颿過病樹前  
頭萬木花前人一去一萬里千知千不還崖州在何處生  
渡鬼門關李德

本朝盧多遜貶朱崖李符見趙普雖在海外而水土無他  
惡春州雖在內地而至者必死望追改前命以外彰寬宥  
乃寘于必死之地普領之後符坐事貶上怒未已令再貶  
海外普具述其事即以符知春州到郡月餘卒言行寇準  
貶雷州司戶及境吏以圖獻抵海岸凡十里公恍然曰少  
時有到海抵十里過山應萬里之句乃今日意耳人生得  
喪豈偶然哉 寇公之貶也丁晉公與馮相拯在中書丁  
當秉筆初欲貶崖州忽自疑語馮曰崖州再涉鯨波如何  
馮唯唯而已丁乃徐擬雷州丁之貶也馮遂擬崖州當時  
好事者曰若見雷州寇司戶人生何處不相逢 丁謂既  
逐李文定因肆行貶竄時三沂公參政不平之曰責太重  
矣謂熟視久之曰居停主人恐亦不免也沂公懼因密謀

去之以擅移山陵効謂雖沂公以計傾之而公議不以爲  
非也龍州下謂謫崖州嘗謂客曰天下州郡孰爲大客曰  
京師也謂曰不然朝廷宰相爲崖州司戶則崖州爲大也  
聞者絕倒 陳瑩中云嶺南人見逐客不問官之尊卑盡  
呼相公豈非相公愛遊此乎近日瑩中赴龍城士美相繼  
過桂又報伯紀來因念瑩中言發一笑折彥劉器之謫嶺  
外盛夏奉老母以行一日行山中憇樹下有蛇冉冉而  
至若相向者久之乃去村民羅拜器之曰官異人也蛇吾  
山之神見官喜相迎耳聞見蘇轍謫雷不許占官舍遂僦  
民屋章子厚以爲強奪民居下州追民究治以僦券甚明  
乃已及章子厚謫雷州亦問舍于民民曰前蘇公來爲章  
丞相幾破我家今不可也人以爲報 秦檜之千鬼萬怪

如不樂這人貶竄將去却與他殷勤不絕一日忽招胡和  
仲飯意極拳拳比其還家則臺章已下又送白金爲殮如  
欲論其人章疏多是自爲以授言者朱文行見江山且吟  
詠不因遷謫豈能來 得罪宜投裔集一 逐客何人着眼  
看竦山憶喜歡勞遠夢地名皇恐泣辜臣蜀中舖名更名  
驚怪坐何罪父老相携迎此翁 佗年誰作輿地志海南  
萬里是吾鄉 九死南荒吾不恨茲遊竒絕冠平生 公  
方占賈鵬我馬買雞牛 逐客不妨員外置詩人例作水  
曹郎 夢遊雲山心似鹿魂飛湯火命如雞 山僧有味  
寧知子瀧吏魚言只笑儂 逢人瘴髮黃入市胡眼碧  
屢作退飛鷁羞看乾死螢 孤鴻方避戈嶼猶在垆論  
州東坡謫嶺南時宰欲殺之飽喫惠州飯細和淵明詩淵

東坡謫嶺南時宰欲殺之飽喫惠州飯細和淵明詩淵



言身涉海  
明千載人東坡百世士出處雖不同氣味乃相似  
龔中危萬死鬼門關外更千岑問君底事向前去要試平生  
生鐵石心文谷劉去國行萬里淡如雲水僧安知隴鳥  
籠密更覺南鵬羽翼低並前去國一身輕似葉高名千古  
重於山李師中送唐介

# 起廢

史以貴戚廢錮當復以貴戚浣濯之猶解醒以酒也  
後漢第五倫魏愷積年沉廢遇楊暗於路微自陳愷曰咸由中旨愷曰雖復零雨自天終待雲興四岳惜忻然曰此言極簡要  
數日除霍州刺史虺張威在青州侵擾百姓坐廢於家後  
從上祠泰山上曰今還公笏於是復拜洛州刺史書賈誼

謫長沙文帝思之召見宣室問鬼神之本文帝前席見赴  
汲黯坐免官隱於田園者數年召為淮陽太守傳本  
集荷削冊書得夷平民則塵洗天波謗絕衆口陸士行表柳先  
生遊于愚溪之上鰲老進而言曰今茲是州起廢者二馬  
東祠壁浮圖中廐病顛之駒壁浮圖有師道少而病壁居  
東祠十年今年他有師道者悉以故去學者俵俵無所師  
遂相與出壁浮圖以為師中廐病顛駒顛之病亦自十年  
不得齒他馬食斥奔異阜凡廐之馬無肯為伍今刺史來  
泣吾邦將至無以為乘於是衆牽駒上燥土大廡下浴剔  
蚤鬻割惡除殘莖以雕胡秫以香蕪御夫盡餽然後敢持  
豈不曰宜乎今先生來吾州亦十年曾不若壁足涎顛之  
猶有遭也興衰於無用之地垂德于不報之所柳而我

竄逐者龍鍾初得歸婦

本朝暫著南荒不到頭却隨壯鴈與歸休 老去嘗憂伴

新鬼歸來且喜是陳人 誤辱使君相拭寧知老鶴更

乘軒 流落生還真一芥 何時曠蕩洗瑕謫與君歸駕

相追攀 初起湘纍復佩銀 肯留歸闕旆坐待逆風船

煉寄語諸公肯前校 昨夜風雷震海隅天心急擬活焦

枯袖萬里早歸來九折憤馳驚山后

### 起復

**經**子夏問曰三年之喪卒哭金革之事無辟也者禮與初  
有司與孔子曰夏后氏三年之喪既殯而致事殷人既葬  
而致事記曰君子不奪人之親亦不可奪親也子夏曰金

革之事無辟也者非與孔子曰吾聞諸老聃曰昔者魯公

伯禽有為為之也今以三年之喪從其利者吾弗知也曾

問春秋不以家事辭王事 閔子騫曰若是乎古之道不

即人心退而致事松

**史**張華為度支尚書母憂詔令攝事晉王叔文丁母憂日

夜圖起復唐張茂宗起復尚義章公主詳見附

傳記蘇頲父襲卒有勅起復頲固辭不起時人語曰蘇襲

有子李嶠無兒 侯知一年老勅放致仕上表不伏張琮

丁憂自請起復高筠母喪親戚為舉哀筠曰我不能作孝

張栖貞被訟詐遭母憂不肯起對臺中為之語曰侯知

一不伏致仕張琮自請起復高筠不肯作孝張栖貞情愿

遭憂皆非名教中人並是王化外為獸心人面不其然乎



載

集金革奪情蓋有通式宜自抑割即膺往旨復詔起丁所

生母憂爰降詔書敦還攝任淵楮敦諭起復衰麻外墨

樂棘內毀崇張說姚碑姚

本朝先公周顯德末翰林學士起復褻素紵軟脚僕頭慘

紫公服每入朝猶佩魚袋或曰魚袋以金為飾亦身之華

也居喪奪情不當有金寶之飾公遽謝不敏壽宗錄先太

平興國六年詔曰三載通喪百王達禮近朝已降急於用

人允踵艱疚之臣多行抑奪之命自今並許一百日後來

赴朝謝贈起從哀次雖孝性之隆專據經而守禮而權

時之制或以義而斷思六一集宜復寵名式從權制出居

喪次非王事不談退倚丘廬讀喪祭之禮則忠孝兩得人

無間言 未惟徇國忘家之義非有食稻衣錦之嫌東

記纂淵海卷第三十六

同問所

已集淵海

卷第三十六

三十五

言録

卷之三

三十五



